

湖海新聞夷堅續志

新編湖海新聞夷堅續志綱目

○前集

人倫

人君 名臣 忠臣 右苑

四卷

父子 夫婦 節婦 賢婦

四卷

人事

廉退 貴顯 勤儉 貪息

四卷

實客 雜錄

四卷

分定 戲謔

四卷

欺誑 生育

治道

政迹 治盜 斷獄 詳刑

五卷

藝術

星命 易卜 拆字 脉醫

六卷

相術 畫工 陰陽 妖幻

七卷

警戒

天譴 神譴 戒殺 警戒 誘化 呪咀

八卷

報應

善報 惡報 恩報

九卷 十卷

惡報

十一卷

果報 冥報

十二卷

○ 後集

神仙

仙真 仙異 遇仙 得仙

一卷

道教

齋醮 表章 祭煉 詞疏

二卷

道法 道術 道經 道錄

三卷

佛教

佛像 佛化 聖僧 佛護

四卷

水陸 佛經

佛法 證悟

五卷

文華

詩賦

記銘

詞文

六卷

神明

神靈 神異

神怪 神現

為神 神醫

七卷

怪異

人異 佛怪

人怪 物怪

佛異 鬼怪

八卷

精怪

水族 羊虎

狐狸 蛟鱗

猿猴 蛇虫

猫犬 飛禽

猪鼠 樹木

九卷

靈異

水族 走獸

牛馬 猪狗

飛禽 蛇虫

十卷

物異

山石
瑞竹

器具
瑞木

十卷

夢兆

仙夢
神夢

吉夢
凶夢

十卷

碧山精舍新編刊

新編湖海新聞夷堅續志綱目

湖海新聞夷堅續志卷之一

前集

人倫門

君后

大元昌運

國朝肇造區宇奄有四方

太祖聖武皇帝握乾符而起朔土以神武而膺

帝圖

太宗皇帝列聖相承以成大業甲午歲殄滅殘金平定汴

蔡撫安中原至

世祖聖德神功文武皇帝登極之時五十餘年於茲矣

世祖皇帝渡江之後蓋將深入乃開國中重以養軍之權
黎庶驚駭駟騎駢歸示盟推戴以

世祖皇帝乃

太祖皇帝嫡孫之中

先皇母弟之列以賢爲長止于一人雖在征伐之間每備
仁愛之念博施濟衆實可爲天下主康寧年四月即
帝位五月建年號爲中統元年建元表歲示人君萬世之
傳紀時書王見天下一家之義法春秋之正始繼大易
之乾元炳煥皇猷權輿治道四立都省以總宏綱外設
總司以平庶政 燕京修營造臺加號上都五年改爲
至元元年八年建

國號曰大元蓋易經乾元之義以明實始之功宋主南

人久留不遣命中書左丞相率兵南伐十三年平定國南北混一大哉乾元至哉坤元合德乾坤爲民父母神武一奮疆宇泰恢天地覆載之間悉歸洪化日月昭照之所皆被容光皆一念之仁有以基之也

天戈指南命師遣將戒以不殺常時江水不可渡至江之日江水鏡平豈非天哉江南州郡望風歸附上天心下慰民望

聖旨節該凡有重刑至死者如府州審問獄成便行斷死者不可復生斷者不可復續案牘繁冗須臾決判重一差誤人命悔將何及朕實哀憐今後凡有死刑審無疑呈省聞

奏待報斷決雖堯仁如天亦不過是其宗儒也立國

監置大學免一切差發天下之士心歸焉其恤民也置
按察司選擇官吏勸課農桑問民疾苦天時旱災賑糶
則減免包銀絲線江南則減免夏稅秋糧天下之民心
歸焉其恤軍也遠征陣亡子弟承襲以爵家口贍以月
糧天下之軍心歸焉以至商稅二十分取一深得古人
什一之制孝子節婦之旌賞遊手好閑之懲勸人心歸
之天命歸之洪惟

大元肇興間世英武帝捲八荒囊括四海東至日出之暘
谷西至日昧之虞淵寸地及天皆入版圖自開闢以來
未有之也偉歟盛哉

龍章五色

宋武帝劉裕小字寄奴始生之夜祥光燦爛洞燭一室

時游京口竹林寺卧於講堂上有五色龍章寺僧見而驚
異之帝所居止常見有一小龍如附翼狀後伐荻新洲有
大蛇長數丈帝射傷之明日復至俄聞柝臼聲帝往視之
見數童子皆衣青衣擣藥榛莽中帝詢之童子曰我王化
爲蛇而出爲劉寄奴所射故爲今藥傳之帝曰王果能神
何不殺之童子曰寄奴王者不死天之所命豈可殺也帝
叱之皆逸盡收其藥而返以傳金瑯無不愈者今本草稱
劉寄奴蓋以武帝而得名也

天女生子

後魏聖武帝拓跋氏名詰汾晉獵山澤間見美婦人乘輜
輶自天而下既至山出曰我天女也受命而來與君相遇旦
日謂帝曰此與君合今已有娠約以期年再會于此言終

而別明年帝如期而往天女果至以所生男子授帝曰此
君之子也當世爲帝王言訖辭去帝名其子曰力微即神
元帝也是爲魏之始祖時人爲之語曰詰汾皇帝無婦家
力微皇帝無舅家亦異矣哉

神光蒲室

後唐天成二年明宗每夕於宮中焚香祝天曰某胡人因
亂爲衆所推願天早生聖人爲生民主是歲丁亥宋藝祖
皇帝趙氏生於洛陽夾馬營是時神光蒲室照耀人影異
香馥郁經月不散人因號其營爲香孩兒營運長事周世
宗嘗被酒入南京高辛廟見案上石玫瑰因取以占已之
名位自小校至節度使一一擲之皆不應乃曰過是則必
爲天子一擲而得聖校後世宗一日於文書中得木簡長

二尺餘題曰點檢作天子時張永德爲殿前點檢使世宗
遂命太祖代之及世宗上仙恭帝嗣位契丹比漢連兵犯
邊恭帝命太祖領諸將禦之有軍校苗訓號知天文見日
下復有一日黑光相盪謂太祖親吏曰此天命也是夕次
陳橋驛軍士議曰主上幼我輩死力破賊誰則知之不如
先立點檢爲天子黎明諸將直叩寢門曰諸將無主願立
太尉爲天子以黃袍加身太祖拒之不從遂受恭帝禪即
皇帝位國號曰宋初武當山真武靈應真君降筆曰吾奏
事于天適見上帝批判天下並合歸大宋爲一統處士陳
搏學際天人有先知之明五代之際聞一朝革命則爲之
輦慶數日嘗有詩云愁聞劔戟扶危主悶見笙歌聒醉人
一日騎驢遊華陰市聞趙太祖登極拊掌笑曰天下自此

定矣。○博字圖南莫知所出初有漁人舉網得物甚巨裹以紫衣如肉毬狀携以還家既剖金熟新將煮而食之暨水將熟俄雷電繞室大震漁人惶駭取出擲地衣裂兒生乃陳搏也冒漁人姓陳氏希夷之生亦可謂異也已併附錄之以補野史之筆

太平天子

宋太宗未登極時嘗與趙普同坐而已虜其下陳希夷至執普手起曰爾紫微垣小星豈可厭帝座邪先是藝祖嘗召希夷赴闕一日使往相晉王即太宗先希夷及門不見晉王而返太祖曰汝見晉王乎希夷對曰未也上曰何爲遽返對曰臣至晉王之門見王之嬖倖皆侯王將相也以是知王他日必爲太平天子又何以見王而後始返耶

來和天尊

有楊礪者未仕時夢至一官府一人衣冠狀貌甚古語
曰汝能從吾遊乎礪唯唯遂引礪至一宮殿深遠嚴密一
王者秉珪南面最上坐礪乃拜次見案上簿籍填委列世
人姓名于上竊視之見己名冠其首因請其所以主案者
指王示礪曰此來和天尊也異日當爲汝主宜善事之礪
再拜而出後登進士第爲襄王府記室礪歸語其子曰吾
觀襄王儀表真向所夢來和天尊也至道初太宗立襄王
爲皇太子繼登大寶卽宋真宗云

神仙應世

宋仁宗世傳爲赤脚大仙當時文武大臣皆天上仙伯星
官受命輔之明良際會而履休運至和嘉祐號稱盛治宋

三百年言太平天子身國久而及深者舍仁祖無以加焉
然英廟神考哲宗此三君者楊文正公大年以爲皆武夷
仙人應世與仁宗之事同一證應良不誣也當神考之未
生也武夷山道士吳懷玉有道術神遊八極之表嘗閉日
靜坐謂一世之人咸不足我觀惟醉酒則步入同亭會真
祠瞑目指冲妙李惠真人曰應在戊子見者大笑以爲病
心而狂後神考果生於戊子而懷玉亦尸解去當懷玉之
蛻骨而仙也是日有蜀師美解歸與相遇道中佩玉珥璫
長揖旣道間聞言有青城之遊及師歸過武夷言之則云
死已久矣集衆發視祇空棺焉由是觀之文正之言良不
誣也

錢王現夢

宋高宗徽宗第九子也山景后在娠時徽宗夜夢長越王
錢俶來謁覺而異之時大觀二年也高宗生于宮中紅紫
滿室宣和二年封康王靖康之變康王賞質金入軍中金
國太子與康王同出射連發三矢皆中破其苦累繫懸於
其上金太子驚以爲神默計之曰宋太子生長深宮狃於
富貴鞍馬非其所長今善射如此意南朝德選宗室中之
長於武藝者冒名爲質必非真也留之無益不如遣還換
真太子來質乃善高宗由是得逸遂易服間道奔竄足力
疲困乃假寐於桂府巷廟堦砌間夢神人報曰金人追兵
至必速去之康王榜徨四顧神曰已備馬門首伺候矣大
王急行毋爲所及也康王驚覺則馬已在其側矣王勇躍
上馬疾馳而南一日行七百里渡河而馬不前下視之則

泥馬也始悟爲神物之助既渡河至一村庄飢渴甚謁飯於一老嫗嫗延入庄內坐復出庄前則有數騎追至問有一官人狀貌若是曾從此過否嫗思其言狀貌類謁飯者乃荅之已過數日矣追騎以鞭敲鞍曰可惜可惜遂反而不追嫗歸語曰吾觀官人非客旅也得非官中人乎適有追騎來問吾已給之而還矣康王曰吾奔逃而南飢渴至此既承見問敢不實對願密之嫗曰大王請安心少頃辦飯進因出銀數百兩以獻曰吾兒李若水也已死於虜矣國家大事願大王勉之康王由此奔相州指榜召兵勤王因登郡圃飛仙亭視其牌額持弓矢而祝曰若中此牌則必聞京師音耗果三發三中左右動色相賀又語幕府曰夜來夢皇帝脫所御袍賜吾吾解舊衣而服所賜此何祥

也頃時京師閣門祇候秦行旅謁詔來命爲大元帥速領
兵入衛時王發兵相州使臣馳報黃河未凍衆失色王禱
天地河神行至子河渡而河水凍已合遂渡河時徽宗欽
宗已北狩矣有使臣曹勛自河北竄歸進徽宗御札曰便
可即真來救父母又奉元祐皇后手詔迎康王其略曰漢
家之厄十世宜光武之中興獻公之子九人惟重耳之尚
在茲爲天意美豈人謀康王拜受遂即位于南京

金龍之瑞

宋度宗乃理孝皇帝榮王之子也方其母之娠度宗也有
飛語遂密使女醫治藥毒之而榮王不知也煮藥者見有
金龍于上知將生貴人也懼不敢煮因傾瀉其器以故得
不進遂產于孟啓度宗歷三封爲忠王後建青宮而登大位

先是秦檜定都錢塘望氣者言抱劍營有兩朝天子氣故
秦檜之賜第在焉蓋欲以當王氣也檜之死光堯命取其
第後壽皇生于是度宗亦生于是卒應望氣者之言異哉
抱劍營者舊榮王府即其地也度宗登極榮王進封福王

宋謝后賢德

宋理宗朝謝郡王府春遊泛湖薄晚從湧金門歸郡王奕
昌前行適太學一士人乘醉衝節街司呵之郡王以其士
也戒從者勿校士怒亦少息未幾謝之諸子來士訕罵語
益峻至以乳臭詆之謝年少氣銳左右忿復不可制加無
禮焉且紐拽以歸凌辱尤有不堪者學之士友相率至謝
府挾門奪之去詰朝三學伏闕上書后爲毀服脫簪珥侍
罪奏以元臣舊自儒科臣妾教訓不嚴致兄姪凌辱士類

乞押臣妾歸田里謝其等各與追勸理宗大喜親下殿執其手以登云朕自有以處此旋以中殿奏諭諸生歸齋并以事付臨安府區畫時趙節齋丑京逮繫謝府街司及太學齋僕責之云既是街司豈不知爲太學上舍旣爲齋僕豈不知爲少保相公不能小心激成此聞各行杖責會謝府學官及三學之前照爲泛湖之集以講解之而修謝府門郡王戒以勿易姑葺其舊以識吾過此事由太后處置得宜不動聲色而弭莫大之爭非惟可以全國体且可以保外家然理宗亦可謂有人君之度也歟

宋謝后家訓

謝府有溫倖者未之官而貧商貨飛語聞上一日太后謂景靈宮扁次其家廟側之便室兄姪眷聚列班起居命郡

王坐賜茶立溫卒于庭詰責其過至謂汝只道我長在此坐長惡不悛一家富貴由汝而壞我亦并爲汝累矣倅戰栗爲流汗及趾郡王引咎自責以訓導未嚴良久乃得解其御外家訓嚴如此



忠顯自經

忠顯公劉幹字仲偃建州人嘗守真定金國之入真定也父老號呼曰使劉資政在鎮豈有此禍金人慕其名未幾爲金使得欲用之幹仰天大呼曰有是乎婦召其親信謂曰金人乃欲用我我當以死報國耳即咬指血扯衣襟書曰金人不以予爲有罪而以予爲可用夫正女不事二夫忠臣不事二主以順爲正著妾婦之道此予所以有罪也

付歸報諸子即沐浴更衣酌卮酒以衣條自經燕人雖欲
嘆曰劉相公忠臣也

忠愍罵賊

宋靖康金人渡河將抵京都宋以吏部侍郎李若水奉使
議和金帥粘罕不從若水罵之粘罕擊之若水氣絕仆地
民父乃駐粘罕遣兵士監視之仍饋飲食若水憤氣不食
粘罕怒囚于圜圜其母張氏聞之曰吾子死於難矣粘罕
猶不忍殺之諭之至再若水數其失信五事罵聲愈厲粘
罕即國兵下毆殺之若水至死罵聲不絕口金人相謂曰
南朝之士死義者惟李侍郎一人矣若水死年三十五謚
忠愍

寧死不降

李庭芝守維揚宋咸淳癸酉大元兵破江南諸郡獨陽不下時軍心離散公雖欲固守而不可得遂與江都統收親兵萬餘保泰州揚州陷泰州以潰大元軍遣千戶一人謂李曰如何不降降後即還兩淮地面江曰彼給恩相也無非一死何不爲朝廷一戰而死言訖自刎李後亦遇害千戶取其首懸於開明橋近有自揚來者舊客將莊某云至元丁丑年省官在設斤茶飯伶人戲侮此事即嘔血而死

出戰遭虜

李震汴人宋靖康年間爲一小校金人逼城震領所部三百人出戰殺七百餘騎援兵不至遂爲所擒金人問曰南朝皇帝在何處震曰我官家要你問做什麼金人乃縋吊於街市凌遲之震罵不絕口剥皮將盡但未剖腹尚有餘

氣充大罵仰首向天而死

舉家自焚

尹穀字畊叟號務實長沙人早年以詞賦教授諸生歲登其門七八十人後登第仕荆湖間改官宰邑歸仍授徒德祐乙亥除衡州守迂吏及門潭已被兵李齊齋招入都幕德祐丙子正月朔城降公積平生付身于庭其衣冠望闕再拜謂其弟岳秀曰吾弟可急去不可使尹氏無後吾受國厚恩義當死岳秀曰兄既死弟將安往願俱死舉家四十餘口老幼環坐婢僕席地鎖門縱火自焚而死

死爲趙鬼

至元丁丑太和人王士敏與針匠劉世超等聚兵入邑後敗劉自經而死嚼齒血書于石云生爲趙氏死爲趙鬼

赤心報國一死足矣王士敏入獄書一絕于裾云此行無
復望生還一死都歸談笑間大地皆爲腥血染好收吾骨
首陽山竟死獄中

忠臣烈女

宋德祐甲戌蜀昌州趙如發倅池州乙亥大元兵至與妻
子訣其妻曰爾能盡忠吾獨不能爲忠臣之婦乎寧相從
地下趙公喜具冠裳大書十六字於倅斤春臺上曰君不
可負臣不可降夫妻俱死節義成雙遂俱縊而死府學有
二人拊其尸哭之曰生爲大宋人死爲大宋鬼何以洗此
汗清溪一泓水二士亦赴水而死明日兵入城伯顏丞相
見而嘉之命歸附官以衾棺殮之仍就佛寺建緣以助其
福君子曰忠臣烈女何代無之然少見於一家之內補

咸常專美之矣賢哉丞相能成人之美此秉彝好懿之天誰獨無是也

負御容死

宋靖康元年王稟爲宣撫司統制守大原大原守禦稟功爲多及至城陷稟引疲乏之兵欲出西門無何西門插板索斷不能出軍已入城倉皇之間士卒勸稟降稟歎曰城陷士無鬪志又且門阻天亡稟也稟起誓死違大命而負朝廷哉遂負原廟太宗御容赴汾水而死轉運韓總以下死者三十一人圍城凡二百六十日城中軍民餓死者十之八九固守不下至是始破後粘罕得其屍令張孝純驗之既實向屍大罵率諸酋執兵同踐之而暴於野

不拜金臣

宋張孝純守太原金人侵城孝純被執至金帥粘罕前遂
令下拜孝純曰未審帳上是何人衆曰元帥孝純曰元帥
是金國大臣某是宋國大臣豈有一國大臣拜一國大臣
之禮事至於此惟有一已耳何相窘拜耶竟不屈粘罕不
能強囚歸雲中

石上釘橛

宋靖康亂大金丞相粘罕圍太原有保正石靖起寨於西
山保聚村民金兵攻之往往爲靖敗由是粘罕遣大軍破
而擒之時靖已保守八月矣粘罕既得靖命釘之於車刺
刃於股將欲支解之靖終不屈粘罕中其之徐謂靖曰爾若
降我當命爾爲官靖罵曰耶魯漢人能死不降爺姓石石
上釘橛更不移改遂被其害

奉使守節

宋太后韋氏崩遣賀允中使金國報哀奉皇后留遺物使
北界至汴京就館宴日用常例賜花金國有背盟意用宋
叛將孔彥舟押宴允中曰使人之來致太后遺物國有大
喪樂何忍聞況戴花乎伴使怒謂將殺之允中曰主人無
暴事固有休吾年七十餘矣當守節而死彥舟解曰兩國
通好叅政勿動心也揖允中坐命左右捧花侍側而已

奉使辭樂

宋光堯之喪金虜來弔祭京仲遠以檢正假禮部尚書爲
報謝使虜錫燕汴京仲遠與郊勞使康元弼言請免無不
許請撤樂如告哀遺留使亦不許至期虜促入席傳呼不
絕仲遠曰若不撤樂有死而已不敢即席元弼等知不可

奪乃傳言曰請先拜酒果之賜徐議徹樂仲遠方率其屬
拜受北典載者連呼曰元朝燕南使敢不即席盡其力仲
遠趨退復位甲士露刃開門仲遠命左右叱曰南使報禮
何物卒徒乃敢無禮排闥而出元弼等以問其主仲遠留
館俟命賦詩曰鼎湖龍馭去無蹤三遣行人意則同凶禮
強更爲吉禮夷風終未變華風設令耳與笙鏞未只願身
摩鼎鑊中已辦滯留期得請不辭築館汴江東越日竟
獲免樂之命既還孝宗勞之曰卿能執禮爲朕增氣何以
賞卿對曰虜畏陛下威德非畏臣也使臣死虜亦常分也
敢觀賞乎上喜謂宰相曰京鑑今乏毛遂也遂除權待郎

湖海新聞夷堅續志卷之一



湖海新聞夷堅續志卷之二

人倫門

父子

孝行附

母子重見

信州富室趙氏居家養母娶妻一年母偶往候親戚夜有劫賊殺趙劫其財擄其妻官捕寇不獲其母寡居二十一年鄉稱曰趙安人宋咸淳中戊建昌軍葉茂卿赴省暮至其鄉一老人曰前逢店遠此有趙安人家可寄宿茂卿過其家叩門入爲一宿之托安人見其面貌類亡兒納之須臾令老僕請入內廳待之以酒饌意甚勤渠但只垂淚不止茂

卿意疑爲鬼然不敢言食畢出宿天明安人又具早食相延苦留數日臨別安人以芝楮三千束爲贈祝之曰回途千萬再過諸僕亦皆有餽贈葉喜出望外至古杭中省殿對第四甲進士出身授撫州樂安主簿歸遂買匹段等物於回途再訪送與安人甚喜留數日相與如一家因閑步後園見供養畫真一軸問曰此爲何人安人曰此吾兒也年十九爲寇所殺媳婦爲寇所擄今不知在亡不覺淚如雨葉又問媳婦何姓曰姓魏某年某月日生身軀之長短面貌之何以歷歷言之且言媳婦至五月而失葉聞之付于心驚曰吾母即是已遂泣別而歸葉回建昌歸拜其父葉仲二開宴款客月餘葉以趙安人之事告其母魏氏母掩其口曰汝休說若爲此人知必見殺其似此必多殺人矣

後棄薄忝州首以斯事重覆於太守守差都監葉仲二
從席葉至押赴司理院勘問是實斬首于市并爲申朝改
正姓趙以其母同歸信州趙安人家二十年間姑婦存亡
之別再得團聚以至祖母與孫相慶天也

子取父歸

番陽張吉甫介方娘時父客蜀中及誕數歲尚未還張爲
兒時惻然有感常言候年長往蜀尋父歸也與彭尚書同
學嘗作詩云應是子規啼不到致令我父未歸家聞者皆
憐之既長往蜀尋見其父父無歸意乃還省親復往蜀中
往返者三哀告至再父不禁其言而歸鄉人嗟其孝或爲
感泣郭功甫有詩各云父昔离家子方孕予得其父今壯
年胡弗歸方死敢請慰我慈母心懸懸三往三復又十載

孝子執鞭方三還

子尋母歸

朱壽昌父任諫議大夫母素微生壽昌歲餘遣出之及長不知母之所在求之不得乃弃官發心刺血寫經以散於人誓尋見母至是得之於蜀中歡迎以歸時壽昌已年五十歲矣蘇東坡以詩賀之畧云嗟君七歲知念母憐君壯大心愈苦羨君臨老得相逢喜極無言淚如雨不羨白衣作三公不羨白日照青天嗟君五十着綵服時錢子飛知求與軍奏乞加旌孝朝廷憐之加官

死孝死義

平陰令劉潛事母至孝母卒潛抱母一慟而絕其妻復撫潛大號而死時人傷之曰子死於孝妻死於義孝義之

果於一門事聞于官保明申朝已旌表門閭矣

赴水救母

蘇軍知婺州日其母魏國夫人方乘舟而來任所公往迎
迓偶泝湘江水暴迅舟橫欲覆公哀號不懼水漲赴水救
之未及舟忽自正及夫人甫出抵岸舟乃覆信知孝誠所
感神物護持方能至此

身代母死

何從世居溫之北鄉清源宋建炎間大盜群起遇人必劫
清源皆逃於蒙山未幾盜至衆多被害間有不殺則執而
掠問珍寶所藏之處從世母亦爲所執從世哀痛不忍母
死於盜之手乃往盜所長揖曰鄉人所藏珍寶惟我可守
母實不知願以身代母其汝尋之盜乃釋其母而執從世

引導數處皆無所得始知其紿已因聚箭射之俱不中賊問其故且言恐母死於非命故設是計以代母死賊信其孝遂釋之

割股行孝

葉二宏溪村民以補漏為業孝於母母疾割股以療偶血汗衣襟弟婦曰伯衣有血其弟知之謂是瘡破疾未愈遂又鑿腦取髓遂置去及醒見頭上有些髓取和粥以進母疾隨愈踰年出外訪親一夕夢母告以折足驚覺次早二步一拜歸家見母果登牀失足醫治勿藥後母卒刻木為像寘之僮頭隨寓供養

取腦行孝

王羽宋乾道二年病革夜半啓牀焚香叩天祈母病愈以

利刀取腦謂藥進食繼有神人以火炬燭之母病隨起
年至九十官爲保申旌表門閭

剔肝行孝

新喻縣長宣里人羅裳事母至孝一日母感危疾藥石不
救於是焚香告天剔肝和粥以進橫刀臂間刺之深寸許
凝臍流血刃悉推卷取香炊灰傅血立止復誓曰有如母
疾不已當易是刃往視其母則其疾良間累夕即如平時
雷擊不孝

溫之吳公口有二惡少謀欲生事尚各有母欲假手於同
謀者互殺其母而後舉事其主謀者陳五四者正在練店
內煮鮑尚未得食立於竈後有牧童王正忽見有文身之
人携錦皮簞書入門恍惚間先携小童出門外霹靂一聲

五四頭巾突破上頂上一竅穿透業壁而死

事姑不孝

邢州李生母年老目盲李生事之至孝每出外慮其妻金氏侍奉有闕必再三祝付之而後往金氏不聽夫語不盡禮母甚埋冤金氏憤之恰值燒餅欲進母傍有小兒阿董金氏乃以麵裹糞爲餅餽以進母食既半覺臭穢不可食遂留以待兒歸李生歸見其以穢物食母持杖擊之金氏奔走尋蹤不見忽有人報云昨日奔入閭王廟中李生入廟見一狗伏於案下睜目不敢親近遂呼金氏父母來看此狗流涕自稱曰我不合以穢物奉姑不孝忽入廟中化爲狗矣數日而卒。昔有婦人阿李有子出外經商累年不歸止有兒婦七嫂杜家婦每飯則兩炊姑飯以麥婦自

白飯李稍與婦忤必受辱罵至於麥飯亦不進食李力陳
而不敢言一曰婦往鄰家留姑守舍有僧持鉢至門乞飯
李曰我自不能飽安有捨施僧指厨中白飯李曰此我兒
婦七嫂自喫底我不敢以施人恐婦必辱罵我我但有早
食麥飯尚有一合留俵午餉如用即取去僧未荅問七嫂
外歸見僧乞飯大怒曰汝要我白飯可脫袈裟換僧即脫
下婦繞掖之僧忽不見袈裟着身變爲牛皮牢不可脫習
間先生牛毛一片漸變身體頭面亟報其父母至則全身
化爲牛矣

勃逆不孝

蜀洋州村落間有姓汪者嘗勃逆其父母人諷之官罪之
皆不悛一日病甚近有威烈廟神夢之云汝可來吾祠下

燒香許祭即愈勃逆之人扶憊而去方跪拜間神坐下忽
有一大蛇出紅冠黑質長一丈餘絞其身仍以頭對其面
而舐之其人遂拜告于神誓死不敢無狀蛇方逡巡脫去
自後痛改爲孝子不孝爲神所譴其具間可畏也

養禽不孝

松陽縣有少年子龍養金鳳且善聞可直宋官會數百券
忽出外數日飲食而死妻疑夫歸必責罵之無以脫罪阿
姑曰我自當之彼將何辭豈知此子兇狠歸不見禽欲撻
其妻母曰是我之罪非妻之過爾其實之子怒極曰老狗
急洗浴去償此命母不以爲然子怒愈急不獲已揭湯浴
洗俄黑雲四合震雷一聲挾其子過前山壁開楓樹窺其
中此地極暗人不可見惟母見之經涉七日其子方死懸

尸於樹木之北

(夫)

貞烈賢妻用

陸氏再嫁

鄭朝議從子娶陸氏鄭嘗謂陸氏曰我若不幸死汝母得再嫁汝死我亦知之陸曰要共百年偕老奚爲出此不祥語居數年鄭果感疾自度必死臨終陸對父母復申言之陸但俛首悲泣鄭死陸攜嫁資改適曹工曹曾一日致試他郡陸氏昏暮獨坐恍見一倅投書陸視之則筆札宛然前夫手札也詞曰十年結髮夫妻一生祭祀之主朝連暮以相懽悖有餘而共聚忽大幻以長往慕何人而輕許違棄我之田疇攜資財而遂去不恤我之有子不念我之有父義不足以爲人之妻慈不足以爲人之母吾已訴於上

蒼行理對於幽府陸愧駭汗未幾果卒

去妻後回

向豐之宋后之裔也才調極高其妻則甚有人情其似吳江冷世路真如蜀道難之句誠齊揚少監奇之一日婦翁惡其窮奪其妻以嫁別人豐之聽其去作一卜筮子小詞在其篋中後和云三歲學生兒四歲嬌妻女說情人也自愁你自思量取聞之令人鼻酸後其妻見其詞毅然而歸與之偕老亦可謂義婦歟

薄妻削祿

史堂微時已娶及第傲然自負大有當時不得富貴家娶為妻之悔遂薄其妻不與同寢其妻鬱鬱不得志因緣已九數載史不一顧妻益歎恨臨終隔壁呼史謂曰我今死

矣爾忍不一視我耶堂終不顧及死心不自安乃保
謀爲厭勝以土器蓋其面兼以索加木束縛其屍而
夕此女夢其父曰女託非人生懷愁恨死受厭勝街
尔故壽祿則盡踰年史果黜官歸家飲氣而死

貞約求娶

開封府大桶村張氏家富有孫助教者爲其行錢孫
少年一日至孫助教家妻女出侍張見其女有色謂
母曰某欲娶之爲妻解一玉帕環與其女曰以此爲
去鄰人皆賀曰有女爲百萬主母矣張一時止是越
娶他族忽一日此女氣噎而死孫召件作具棺以殯
謂小口喪不可停某有園在五里頭可以殯葬孫加
件作心利玉環可直數萬遂往發棺見女復活謂故
件作曰

我何在此忤作曾之曰父母以汝不肯適人使我生理於此今不可歸不如從我女無所言遂往從之忤作雖以爲妻婦人常有往張家會問之意忽朝廷劉太后上仙郡括忤作扶護殯葬一日婦人質馬往張氏之家張以爲鬼遂用杖鞭撻至死忤作之母謂打死其婦告之官張氏以下獄事既明白獄具棄市

棄妻折福

宋丙午科舉福建有赴省士人李某道經衢州擔糶貧窶亦甚路傍店主姓龔愛其家土地與言明日有秀才獨行赴省姓李者是黃甲人宜善待之店主同候里中所言者來遂待以酒食給以果囊隨以僕從俾而京師士人曰主人何愛厚如此店主曰本店土地最靈靈我云

官人明年登黃甲所以相待也其士人大喜而夜思我何去作官但妻不稱作孺人此時當更娶兩日土地復獻夢於主人云此士人用心不善便今無功名矣士人到自回尚觀店主待之如前乃與且不納之宿士人苦問其見薄之因店主云吾已知君有棄妻之意不復有功名矣士人惆悵而中榜可知一念纔起鬼神即知人亦可以自警矣

預夢得夫

楊六建之松溪人家富嘉定戊辰首得一女既長擇婿女於未嫁數年前一夕夢與一官人聯坐樓上未幾有一女子登樓對坐官人意外折桂花兩枝簪一婦人怒即下樓但見廳堂之間幕帟粲然當中一大牌

奇

字驚喜而寤晨興告之父子喜為言夢他日必招生婦至
嘉熙戊戌楊氏年二十一時有趙時奇登第方二十二得
闕而歸偶松溪有販蠶頭王十二客與楊宅言趙時
事楊家一見早帖上有奇字暗與夢合慨然許諾女
姻館于小樓之室皆以為夢應趙之官累任與俱乃
渚淳祐癸卯楊氏疾革執蒲回王商議棄宅姻始吐
兩女同坐一女先去者楊氏一女繼之者葉氏終其
前定之數歟

湖海新聞或堅續志卷之三



人事門

廉退

廉退可嘉

宋孝宗朝朱文公公孫召公召公監獄廟一次梁克家奏本公
博學有守而安於靜退無所慕召公不起執政俱稱之上曰生公其
今以疾辭然安否無嫌道願退可嘉特與以合入官主益信
州崇道觀

琴鶴自隨

趙清獻公以清無服廿平生志趣會堅本張鶴與琴共

一所向與之俱若院師成都鳳素侯公單車就道以參
鶴龜自隨蜀人審其政的言簡甚公嘗以吾皇之所當
必焚香九拜告之于天不敢言者不敢為也元豐間思任
事守越再移蜀公將老矣過泗州渡淮前已放鶴至京所
以龜投淮中既入見先帝問前所以及馬入蜀所堆將
琴鶴願者固如舊事公頓首謝曰其計有吾馬尋旧路知
歸去龜放長淮不復來自越其意也

鰓玉不受玉

趙德老為四川總領是歲知興元兼成帥德老自守津廉
四路之苞直鐵毫不納德老知德老喜書出訪
求一硯副以一幣擇一重更之贈者將一物為獻將吏
德老視事日庭參對衆聚談書并以硯幣上德老知其意

書說因起取帶繫之俾左右具贈徐解實案上復令小吏
入取所自用筆墨來就覘上試之作一詩字徐令以覘帶
還軍吏更下拜不沐謂素時少保爲軍令狀以爲非是賄
賂可以爲獻若總領不受軍人難以進責祈艱乏切至於
泣下德老呼而前曰但歸覆少保我以將帶繫乎將砌寫
字了去與衆人見之入之愛物不過如此少頃來請回書
軍吏無以爲說竟通而歸

辭金不受金

蓋州劉府君初爲福江尉民有爭田十年不決者郡
公公得其意立爲判決曲直人稱爲神不知公非神也
公心期及去官自責低公於建州縣後告曰有好香
柳焉長者壽益發而視之乃黃金也公笑謝曰君事本古
來

私也其敢以公事受君之私乎堅卻不受其人感泣拜謝而去時人甚偉之

得金數聚

王祐為平制置余撫陳帶領鄉人俞路公與入蜀乞胡
除知成都府路安撫使在嘉定府鎮守十餘年未嘗一
於民民皆感之甲寅秋大閱指揮撥發官同詣軍修正
馬務要平正不許有一毫私相觸諸軍日久用工必
方畢撥發官遂請安撫點看俞到教場中下馬步行以
之以忽有一石觸靴底幾至遺跌怒甚令隨行取石以
四寸如銅塊呼銀匠鑄之則索也金也將秤等之重
四兩今銀匠作二公負就案望空拜曰衆軍修平教正
不得見獨與見之非天賜乎然不敢私有敢以一分以
祀天

慶觀一分施九頂寺一分福衆軍惟神明鑒之嗚呼此
安分足之人也

武夫超悟

孟珙字璞玉號無菴隨州人任四川宣撫使兼京湖制帥
創南陽書院以處襄漢流寓之士竹林書院以處四川流
寓之士每日見客雖數十百人一一接談凡有投獻並入
袖中客退以所受投獻文書令館客逐一朗讀而諦聽之
可行者付出不可行者瞞之行囊嘗自作無菴贊云老拙
愛游戲忙裏放癡憨正當恁麼時無處見無菴混沌菴之
基大朴菴之梁太始庵之柱太極菴之枋兩儀菴之戶三
才菴之房四象菴之壁八卦庵之窗白雲庵之頂清風庵
之牆誰人運斤斧大匠曰羲黃明月爲伴侶萬古共如常

欲知吾富貴秋水接天長水雲不到處一片玉雲光臨終
又領云有生必有滅無常無可說踢倒玉皇爺夜半紅日
出君子曰無庵之詩超世如此是豈尋常武夫所能信乎
善處富貴之際矣

歐范蠡圖

陳恭公執中以衛尉寺丞知梧州驛遞上疏乞立儲貳直
宗嘉其敢言明日臨朝補其疏以示執政歎獎文之才召爲
右正言後公參知政事出知亳州年六十九遇生日親族往
往獻老人星圖爲壽獨其妹獻范蠡五湖圖曰賢哉
陶朱霸越平吳名遂身
遂以司徒致仕

精靈應世

宋皇兄趙八大王判吉州每日餐嚼如虎飽而午睡夢在後池蓮葉上乘涼被院子打覺即喚院子來問應云偶在荷池內釣魚被一大青蝦蟆在蓮葉上用口吸釣絲未免用釣竿擊之趙方悟身是此物。又吉之老宿嘗言太守王佐任內一夕譙樓第五更鼓聲不鳴喚到鼓角子供云是夜五更見大蜈蚣出於鼓上委不敢近前此時王守正夢睡於此鼓方知身是蜈蚣精。又王謙太守每夏月澡浴必要大桶閉堂不令人見一日其寵竊窺之見一大白龜翻身躍水中遂走出久方有老院子出與人言貴人出星即精也

中興名將

韓斬王之夫人京口娼也嘗下吏一府伺候賀朔然於那
柱下見一虎蹲卧皇恩勦勦然驚駭走出不敢言已而
人至者衆復往視之乃一卒也因蹴之起問其姓名爲韓
世忠心異之密告其母謂此卒定非凡人必至榮達
母然其言乃邀韓至家具酒食卜夜盡盡相結納賀以
金帛約爲夫婦斬王後立殊功爲中興名將封兩國夫
人矣

輪對沾恩

宋淳熙年間史寺丞輪對讀之半正言先帝高宗其事故
淚下玉音問故對曰思感先帝舊恩等宗不覺亦淚下
承至讀畢淚下不已退朝免冠及蟻蚋虫在頂齧之頂目
腐矣蓋其淚下實爲頂痛孝宗以爲忠明日御批除

何郎直病數月方愈

風子丞相

大全鎮江府金壇人少出爲某寺行者不律長老撻以
歸咎伽藍竟黥其面神托夢主僧哀祈漸洗僧呼其
刑責令惜式神復來謝以故主僧加敬待以客禮久之還
處潘宅館聯捧卿書既第愈驕傲人以丁風子目之後
工拜相竇祐年間事也童觀矩堂與丁氣味不合重入相
在臺劾之差數十人各持木棍夜半扣府門才出違入
轎急擡到大理寺前放轎欲以此恐之須臾仍出北關
外搬轎于地發喊而散矩堂徐步入接待寺於是去國
卽此舉措非風而何續事入相全臺論列三學叩闕舉民
誦有恨無漢劔斬丁公之語於是罷相南行嘗語人曰自

能談命我不入臺則已入臺則過府過府即正拜中間須
南行一遭而後再秉鈞軸始料固得終爲挺月之歸其能
預知乎

接例民謠

丞相史嵩之當國正懷持祿顧位之心而適憂夫欲以起
復要君遲遲吾行正有所待耳昨馬光祖爲淮總許堪爲
許浦都統時方多事兵財重寄不欲驟更數易遂有起復
之命往往史欲接例而三學扣閣有民謠十字詩曰光祖
爲總領許堪爲統制丞相要起復接例纓纓萬言莫不切
至玉音有曰朕決不用史嵩之矣

見龍富貴

宋孝熙間鄭損帥蜀尋常四川錢糧未辦借貸於富家族

朝廷利至即欺還鄭制置與富人王琪借錢粮就請赴筵
飯二公坐于堂使廳見天井水內有二小龍蹴躍片時存孕
雲自天而下聚之而去二公只相顧默默因詢問左右皆
無見者自是富貴之人與尋常異也

威振金虜

趙端明南仲嘉定年間爲淮閩威望表聳金人相戒不敢
犯邊皆以趙爺爺呼之貌古怪兩眼高低一眼觀天一眼
觀地人皆望而畏之不敢仰視一日豁湯伏事底窺見一
巨蛇蟠于榻中皆不敢漏泄一夕三鼓不鳴詰朝申舉當
吏軍人自必死及執覆謂有巨蛇蟠於鼓故不敢近以
故皆爲蛇之精鎮邊數年一塵不驚兩子六直閣七直閣
隨侍在淮北又有六隻角七隻角之呼其威名已遠暢矣

南仲後爲淮東制帥後拜樞密使以曩年在淮不曾持服
身祐辛丑乞追服歸私第後召入相累召不拜深得明哲
身之道後欲上武當山燒香上真降筆曰襄陽趙方欲
武當鄧都小卒不請燒香

周邵魁選

未榜服邵澤廷對日午未得一說有中貴人巡案見澤所
書京墨甚佳擬木之澤與之無吝色中貴曰主上三日前
御苑中方建一亭命名曰定一上謂若人用此立說取爲
元邵得其說揮毫如飛中貴見其文字回奏曰陛下三
日前方建定一亭一士人用以立說上大喜於是搜求此
遂得邵澤欲真首選時已取周垣爲狀元群臣賀曰喜
下今日得周邵於是澤爲榜眼

湖海新聞夷堅續志卷之四



人事門

人定

貴賤分定

宋仁宗嘗御便殿有二近侍爭辨聲聞御前仁宗召問之對甲言貴賤在命乙言貴賤由至尊以此致辨帝默識其一二月以二小金合各書數字藏於中曰先到者保奏給書有勞推恩緘秘甚嚴先命乙携一往內東門司約及有命甲携一繼往无何內東門司保奏甲擢恩仁宗恠問以乃言是乙至道足跌傷甚不能行甲遂先到由是

言乞窮通予奪元不關天人力不容加也

加官分定

宋中書大卿輪對年六十餘玉音問其出仕履歷怜其老特旨免朝明日特除尚書其官當謝恩適病破腹頃刻如廁數而遂用油絹作一袋繫于臂後適舞蹈之時油袋墜毀上聞臣怪駭莫知何物孝宗命取觀之臭穢可惡大怒某官臨伏待罪臺官繳劾押出國門

領幸分定

葉崇儒字聲伯應鄉幸前兩場冠衆作獨策場不見卷監試筆文以其前兩場可采決无不終場之理行下根索及將入吏勘斷必欲得之時吏卒多將試卷供爨及故投奔根索既嚴逆行尋索果有一卷閣在古井中草窠之上亟

自觀之字號正同遂爲某首豈非功名有分神物護持歟
所以特科出官終建之松溪王李

館俸前定

南城劉巢林夢材篤行君子也一夕夢至一所兩石榴樹
下獲錢一窖凡千緡自念平生无妄想何以至此未幾輒
尋思招之館教子姪歲俸百緡入齋見庭前兩石榴樹死
然夢中凡十年登戊戌弟而去

風水前定

羅居士諫之得地一穴以葬母開墳自卧于中夢一
人來言此非君家地乃義城黃瑞人受用葬一年生灾遂
問云後有東向刘來覓其地羅問其葬誰曰葬母母是何
人曰義城黃氏也予以予之後出一神童惠祖壽祖官至

飲啄前定

宋淳祐戊午間三山繆文龍幼孝京庠与陳魁峯相厚善
一日辭歸求朱魁峯書爲介紹謁建漕卽齋陳昉繆意謂
當路書尺必可規求權苟歸次衢之江山縣乞靈於江
郎廟神賜夢遊一所官舍卽應遂深有士官數輩魏冠博
帶翔遊其間少頃有一人捧一椀飯進与繆下視之則
與殊飯也食未及半進飯者復奪之夢竟卜之於神果神
所賜夢也初未測其意及來富沙投書於卽齋卽齋謂繆
曰西津鎮建安書院有朱文公眞西山之祠今請君爲堂
質一月可得官楮五伯其之俸少爲養廉之助繆遂以漕
向來參至書院一如夢中所見會食堂中飯去畢繆之母

計真主也一飯未竟即以夢去信知人之飲啄莫非前定
真珠飯者乃朱文公真西山二賢之祠云

飲饌前定

李公回者曾與一客自洛至關客曰吾能先知人飲饌臨
正日上謁華陰縣令李謂客曰明日到彼得何物喫客撫掌
曰上奇當與公各飲一盞葱椒酒食五般餠餅不得飲喫
李亦不信翌日同見令喜曰二賢衝寒且凍暖兩杯酒來
仍去葱椒良久臺盤至又以大碗盛餠餅至曰此是五般
餠餅二客食盡忽報勅使到舊例合迎令鞭馬而去客出
而僕已結束先行數里二客大笑登途竟不得飲喫異哉
飲食有定分也

陳仲舉微時

黃申家申婦盛產有扣門者聞應云

門表有貴人不可前宜從後門往俄聞往者還門內者問之云生男或女荅曰生男名阿奴當十五歲爲人作屋落地死仲舉嘿記之後十五年爲豫章太守遣吏問昔兒阿奴所在家云助東家作屋墮棟而死仲舉後果大貴

曹攬前定

長春真人嘗往長真觀忽值大兵北還路逢一貴官乃素相識者禮拜真人曰夫人被擄欲罄家資贖令出家真人倏然不可其事止議間兵去已遠不可贖矣他日貴官復來參問且詢不可之意真人曰夫人與昨擄之主人有三年伯債今旣相逢乃前緣也倘堅欲贖則此緣未絕無有了期三年後却還來此出家後三年果放還得簪裳出家

誰觀參見真人曰吾前言是否汝從來好善故得進入此門貴宦方信其言拜謝而去

修廟前定

鄭毅夫知荆南府有城隍廟宇頽弊諭市民曰廟宇頽毀汝曹須率金修之獨一豪家陳務成曰願獨修不願率金也因修之換一巨梁背有大竅闕一板于中字在其內宛然新墨云維大周廣順二年歲次壬子五月十二日建其旁題曰遇陳則修乃以緹巾襲之獻之府公奇之特命刻其事於梁之脇

得銀分定

宋嘉熙庚子趙知縣崇道任建寧府推官大參徐清叟欲易推衙以廣其居趙爲申府得請拆除之日徐參親臨監

視乃於廳前花砌上掘得一大甕得白金式百餘錠定先是趙推於彼處常見有物如白衣覆地細視亦無所見後爲徐公所得豈非留以待之皆分定也

弃銀復得

梅洋季梢與人駕舟入括至中途泊岸登廁值有人遺下一青囊有銀子在內遂取入舟以俟尋者未幾見一人倉皇而至尋取元物不見大呼數聲解條欲縊於廁季急登岸詢之荅曰某本縣解子也解銀入州今旣去失噫有死耳季詰其他有何物曰無他物止有銀子若干季悉還之解子感激即欲分與數兩到州折閱不過受杖豈不勝於一死季堅不領回舡到大金灘間忽纜斷顛入水中但覺脚下有物如瓦相戛聲探而取之乃銀也亦如前所拾之

歸家求田問舍遂成大富

失物復還

建炎中宋高宗幸四明嘗執一摺疊扇中有玉孩兒爲扇墜金人至登舟倉卒失手沉扇于江及都杭州十餘年忽一日循王張俊預內宴手執一扇墜玉孩兒上孰視乃向年四明所沉者遂問循王得之何所荅曰臣於清河坊鋪家買至上即遣人往問鋪家所買之由謂於每日提籃者得之遂轉問提籃者乃謂得之候潮門外陳宅厨娘繼又問之厨娘荅云破黃花魚重十斤腹中有此一物奏聞上大悅以爲失物復還之兆鋪家提籃者各與進義校尉厨娘仍告封孺人

財各有主

福州阮教授爲胡侍郎館客累年不歸胡曰君在此日久
侯消吉當以一婢爲侍阮但感謝忽一日婢知主意乘間
尋阮曰此月十五夜侍郎大會賓客汝勿飲酒我房門路
還亮離君過彼處咳嗽數聲侯有好音及夜阮歸失約里
有張十七者負米去確少憩其下偶咳嗽數聲疑阮至
拋下黃白一大袋張爲之驚喜不知所來拾而歸阮聞
此語愕然不知其由此婢厭厭不得志遂致非命阮亦自
殞其身事付忘言自後張生日富娶妻育子其子與阮教
授絕類或有人指之曰此阮秀才也隔溪有李辛四牙者
常以此事譜之張子恃財勢往有司以別事告之辛四牙
坐獄遂至喪命李妻不甘其事往陳王祠呪之一日張氏
子歸自門首見一大蛇口吐火燄當門盤踞一時驚仆及

此人又

妻曰李幸四牙妻呪我我將死云云詎而卒

前生福分

宋太文
出遇用
中人語
而此過
齋佛治
令嗣何
老姬曰
詩卷及
一本字

生葉文鳳溫陵人年十八登進士第調官天台仙
赴任在途遇生日逗遛旅館午困假寐夢至一庵
喚麻糍齋來聞鄰居有一姬哭泣之声甚哀葉因
其門扣之一老姬曰今日乃兒子忌辰適往墳庵
修心為感傷不知哭泣之哀至此葉心疑之遂問
年夭喪姬言其子所死之時即葉簿所生之日也
吾兒業儒治詩義名陳希曾本縣正廩葉問尚有
葉否姬彷彿示之其父葉即葉之請幸及第程文
差舛葉遂拜姬為前生父母載之赴官信乎今生

之福乃前生之福也

大器晚成

李德元六十三歲作狀元七年參政史越王浩五十八歲登第不十年登相位七十日罷七十八歲再相逾年罷八十八歲再相太師召賜第湖上九十二薨大器晚成斯言大哉

俗語題

宋太冬生每閑坐時以譴破為戲有採俗語作舍試題云湖女鰥莫嬌他平日為人吃說擊烏龜猶自可度婆似那吒旱辰起來七般事油垢無靈鼓姜椒茶冬要綫羅夏要紗君不見湖州張八行賣了良田千萬頃而今却去釣蝦蟆

兩片骨駸才不柰遮破云有色者其累重既知食美而服者
美好色者其費重當知業窮而身亦窮此破題高手也又
破乞也官人云欲求其利必重其名皆可觀

倣人做屋

宋丞相崔顥之驕 創破理宗朝入相歸蜀建造府第極其
壯麗里有豪商姓李亦從而倣之就倩崔府造屋匠人一
依崔府繩墨尺寸不差造屋一所落成之日崔相親登其
門借觀李商大喜暨歸崔相喚匠人來問曰汝与某人堅
此居好則好矣但少兩枝梁匠人云此一依相府規模不
知少兩枝梁在何處崔相曰一枝是沒思量一枝是不酌
量當
商何人乃僭倣若此宜乎取少兩梁之誡

煩惱自取

韓休重
用兵既敗鬚髮俱白困憊莫知所為一日上賜休
賔宴看
伶人爲戲一人曰樊遲一人曰樊噲旁又有一人
曰樊遲
又設一人揖問遲曰誰與汝取名對以夫子所取
則拜少
曰是聖門之高第也又揖問噲曰爾誰取名汝對
曰是真
祖所命則拜曰真淳家之名將也又揖惱曰誰名
自取又因郭悅郭杲致敗因賜宴以生菱進于卓
人移卓忽生菱墮地尽碎其一人云苦口壞了許
上命一
多生業
只因移果卓

俳優戲言

宋端平
聞真西山參大政未及有所建置而薨觀鶴山覽
之亦未
及有設施而罷杭州優人裝一儒生手持鶴別一

生與之邂逅問其姓名曰姓鍾名庸問所持何物曰大鵬也因傾蓋歡然飲酒其人大嚼其吸麋有子遺忽顛仆于地群數人拽之不動一人乃捫其頰大罵曰詵甚中庸大孝喫了許多酒食一動也動不得遂一笑而罷或謂有使其之戲侮真魏二公京尹悉以優人黥之○史彌遠為相時士夫多鑽刺得官伶人俳優者一人手執一石用一木鑽鑽之久而不入其一人以物擊其首曰汝不去鑽彌遠却來鑽彌堅可知道鑽不入事達史公聽悉黥之

戲謔致爭

昔有郭忠恕善戲謔嘗與聶崇義者會戲以聶字嘲之曰所貴全為贖擊龍即是龍雖然三个耳其奈不成聰崇義亦捷於戲謔乃以忠恕二字解嘲云勿笑有三耳全勝

畜二心又陳亞相嘲云陳亞有心終是惡蔡襄無口便成衰近時呂橫謝暉亦以名相嘲云无才終入廣謝暉不日便充軍呂謝因而釁起爭端是知戲謔不可不謹至於爲塵可以爲戒

（此）

冒稱帝姬

宋靖康亂柔福帝姬隨二帝北狩建炎四年有女子詣闕稱爲柔福帝姬自虜中潛歸詔遣老宮人視之其兒良是問以宮禁在日事略能言彷彿但以足長大疑之女子輦蹙曰金人驅逼如牛羊跣足行萬里寧復故態哉上惻然不疑其詐即詔入宮授福國公主下嫁高世榮資粧一萬八千緡紹興十二年顯仁太后回鑾言柔福死於虜中久

矣始知其詐執付詔獄乃一女巫也嘗遇一宮婢謂之曰
子兒甚類柔福因告以宮禁事教之爲詐遂伏誅前後請
給賜資計十七萬九千緡非顯仁之歸則富貴終身矣

假母欺騙

嘉定年間有一少年謀爲騙人之策忽在野外見一乞嫗
趨而拜拜曰爾吾母也吾爲爾子尋十餘年方得母喜甚
衣之以華衣嫗恠之然自思爲乞丐一日得此過望二少
年事之極至復買一麗婢供使令之職僱人昇過新塗賃
客館以居所携籠簋凡五六擊告之人曰吾兄弟早年失
母連年寫經告佛求之四方今始得之天也於是朝夕竭
力爲甘旨之奉衆皆稱美之新塗富室皮家每歎曰此二
人真孝也二人與皮往來稍密一日告之曰吾欲假君之

所以奉吾母吾將啗十真楊求什一之利以活生皮欣然從之仍爲假貸三百緡鬻賣貨物而去皮見其有母與龍篋留其家卒以與之三人者以其母托皮丁寧之至約半年歸及歸財利數倍隨以三百緡本息酬皮皮喜又留半年復與皮氏及諸有力者借二千緡再去衆見其饋於經商且每日相與之情真如其數借之忽一去年餘不歸並無音信衆始有疑心遂告之官欲發其龍篋所寄之物官詰嫗嫗曰吾丐者也非其母也解后野外強我使來婢曰彼買我者也實不知彼爲何人將其龍篋開視之並皆磚石官無所加罪衆但懊恨而已

假女取財

如夢已未趙制幹崔一厨娘乃男子主千一也蓋幼時父

將男女形

即與女子之穿耳纏足擦蓋一如女子習

孝女工飲

食買賂其保脫騙富戶充爲厨娘而家寵愛

不知是男

子与之共寢俱爲所淫事彰責還父母後轉崔

与東門趙

豕趙見其稍有姿色亦屢欲犯之而厨娘累托

不從又一

日同僚會飲座間有云聞近日有一男子裝僞

厨娘累次

脫騙富家財物今聞又崔在同幕爲厨娘莫知

而知之飲

罷趙回厅喚出厨娘試一捫摸形不掩解之制

斡斷罪斬

首并市父母牙保俱配籍焉

依道取財

宋端平年

間有道人談相到吉州值夏胡帥携家胡告云

某有弟叔

陽平生作某事不善某事不善如見幸警勸之

道人到叔

陽家拜左右歷三言其平生不善勸以迂過叔

陽大敬信 出其愛女令相道人曰是鬼婆亦宜修善時
叔陽腰以大條道人覓之即与不吝明日復返之云道人
以此謾戲耳踰日又覓叔陽身上道服復与之明日又
以返云道人只是試公之心豈啻於此又數日覓其女所
替皆金器道人萌意欲求之女見其前次累覓累還悉拔
以遺道人遂去不復來矣人皆切笑叔陽信之愈篤叔陽
二子夜題詩于厅壁云知君色慾未能除好把精神契太
初從今發誓休貪慾我保教君入大虛奉崇香火若君誰
莫把經文作戲看兒女損休歡管是明春速入武當山後
書云無昌老書蓋言呂洞賓也叔陽大喜即分付家事遣
妻為尼包巾被衲出郡打魚為繼往武當郡侯而次比其則
芝号曰元命真人時道梗未遂行一子偶聞牆外子語

詩之故叔陽大悔遂福仍以尼歸為弄

詭道却財


王居安秀才以古痔疾聞蕭山有善工力不能招致遂命舟至彼於靜中使人迎醫三乃至航既見欣然為治藥餌且曰請以五日為期可以除根本初以一藥放下大腸數寸又以一藥洗之徐用藥線結痔信宿痔脫其大如桃後以藥餌潤養數日遂安此工初無難色但放下大腸了方議報酬之物病者知命懸其年盡許以囊所有為酬方有治瘳又玉山周僅調官京師舊患膀胱氣外腎偏墜有藥人云只立談間可使之正約以萬分及三繼之報相引入室施一鍼所苦果平周大喜即如數負金帛而去后半月其疾如故使人訪醫者亦不見矣古人之賢或在醫

卜之中今之醫者急於声利率用詭道以却流俗殆与穴
坏挾刃之徒何以異乎

証言恢復

趙范字仲帥淮東趙葵字南仲帥淮西皆累殘金將裝之
国中原者間當国者謀動干戈却未言之人二趙亦私有意謀全
才劉子澄為幕官与聞之一日淮西闖遣全詣廟堂靈
聖因曰趙聞以中原可投欲議恢復事太体重
須公酌出命彼兄弟當盡力而趙實未嘗使之言也廟
堂額之而已及歸又謂一趙曰廟堂似有恢復之意然誰
遂然出命欲從二闖建議然後見之施行一趙不知其
雅意何敢不從遂再令入国門計稟用與之事
大槩皆全劉自擬台為之上乃下詔次日建廟

第十年軍糈糧食舟師士馬席卷以比涉無人之境其
復東京某日復南京某日復西京皆空城中紅旗露宿
夜至止大廟告社稷宰相率百官表賀降赦三京喜
獵何嘗一戰哉軍至貝珠河二流如綫二趙麾軍徒步而
涉至平河忽見山上二紅旗出填之河水暴至北軍奄
方乘水鼓譟諸軍駭汗奔走淪死踐死走死飢渴死者十
之七八軍裝器械委弃如山一日一夜馳數百里至淮河
二趙僅二得渡范陞馬北兵長鉤曳之焚双刀躍馬斷其
鈎柄乃免中外震驚北騎充斥朝廷之策割海泗唐鄧四
州以求解京西一帶并失之二趙全劉責降有差其章曰
誤二趙者全子才也誤全者劉子澄也



判官爲嗣

建之浦城李景韓家富而子一日夫妻謁城隍求子夜夢有黃衣人曰大王爲汝余都縣主簿妻因而有娠得一男年二十登第名夢祥初任余都縣主簿及二十六歲到任謁余都城隍有一判官倒於壁角左右見狀貌一類主簿曰本官不必寫容此判官絕是相類呼廟祝問之曰左右皆以判官類我是耶非耶祝曰主簿果是相肖詢其類倒幾年答曰已經二十六載主簿心中謂我建生之年相同遂再塑像立於王側是日主簿卒

禪僧托生

建寧府建陽縣何源庵一禪僧名宗元与周三解者厚善後一日元公辭周曰吾以旬日入寂敢以身後事爲公累

辭去數日周忽夢元公遇其家謂曰吾宿緣未斷擬借家宅居住如何周諾其請語罷元公隱匿周之子舍房內夢竟則庵中遣人報元公已坐化矣其子舍誼一男周知其為元公也命名曰元及長業進士纔弱冠以宗元名請本州文解次率易名疇老再發一卒因知前身禪僧之事自諱其名只用疇老為名字曰天錫宋咸淳甲戌宗元該免解到省以宗元名登進士第。廬陵王朝奉與無為院僧祖琳善一夕朝奉假寐于厅次夢見琳入室大怒遂竟適內人坐膝未幾生一男子亟遣人詣無為請琳師則生子時分坐化矣琳左指小缺其孩亦然長命曰琳年十八領鄉薦次年登科官至知州

願生為子

常州無錫縣楊秀才年老家貧一日往金陵到王荊公祠堂心慕荊公予孫富貴乃禱曰今世名利無成願後身為公子孫庶可遂志是夜夢荊公差人請到祠堂曰蔡卞福祿未艾汝生彼家楊乃言曰屋中妻子家貧若一旦身死必大利害乞緩其死荊公曰已奏聞上帝不可改也爾可即作書報家人次日秀才即死蔡卞家寵忽生一子幼而伶俐能言豈語父蔡卞曰我是常州無錫縣某村楊某願帶歸故居少慰妻孥卞異其事及長携之過常州無錫而至楊某家喚其妻子慰問家事甚詳至次日忽如昏醉及醒則前生之事不復記矣後果顯貴

湖海新聞夷堅續志卷之四

